


# **Vischnaunca da Medel/Lucmagn**



**Lescha da turissem  
per la vischnaunca da Medel/Lucmagn**

**Per l'interpretaziun da questa lescha ei la versiun tudestga decisiva**

<b>I.</b>	<b>Determinaziuns generalas</b>	<b>3</b>
Art. 1	Intent	3
Art. 2	Diever dalla taxa da hospes e dalla taxa da turissem	3
Art. 3	Equalisaziun dallas schlattineas	3
Art. 4	Noziuns	3
<b>II.</b>	<b>Taxa da hospes</b>	<b>4</b>
Art. 5	Subject da taglia, taxa da hospes	4
Art. 6	Deliberaziun e reducziun	4
Art. 7	Excepziuns	4
Art. 8	Object della taxa da hospes	4
Art. 9	Fixaziun della taxa da hospes e pauschalas annualas obligatorias	5
<b>III.</b>	<b>Taxa da turissem</b>	<b>5</b>
Art. 10	Subject della taxa da turissem	5
Art. 11	Object della taxa da turissem	6
Art. 12	Excepziuns dall'obligaziun della taxa da turissem	6
Art. 13	Fixaziun della taxa da turissem	7
<b>IV.</b>	<b>Contribuziuns della vischnaunca</b>	<b>8</b>
Art. 14	Contribuziuns della vischnaunca	8
<b>V.</b>	<b>Determinaziuns communablas</b>	<b>8</b>
Art. 15	Obligaziun d'annunzia	8
Art. 16	Tariffas della taxa e communicaziun da talas	8
Art. 17	Principis per adattaziuns	8
Art. 18	Controlla / obligaziun da sclariment	9
Art. 19	Execuziun ed administraziun	9
Art. 20	Taxaziun tenor beinappreziar	9
Art. 21	Constataziun dall'obligaziun da taglia subjectiva	10
Art. 22	Cuntravenziuns	10
Art. 23	Mieds legals	11
Art. 24	Dretg subsidiar	11
Art. 25	Reglamentaziuns da procedura e cuosts	11
Art. 26	Disposiziuns executivas	12
<b>VI.</b>	<b>Disposiziuns finalas e transitorias</b>	<b>12</b>
Art. 27	Abrogaziun	12
Art. 28	Approbaziun e vigur	12

## I. Determinaziuns generalas

### Art. 1 Intent

Per promover il turissem incassescha la vischnaunca Medel/Lucmagn ina taxa da hosps ed ina taxa da turissem.

### Art. 2 Diever dalla taxa da hosps e dalla taxa da turissem

<sup>1</sup>Las entradas dalla taxa da hosps ein da duvrar per finanziar cundrez ed arranschaments turistics, ils quals ein creai pil hosp e san vegnir duvrai per gronda part dad el.

<sup>2</sup>Las entradas dalla taxa da turissem dueian vegnir investadas per expensas che schaien per gronda part egl interess dall'economia turistica. Ellas dueian specialmein possibilitar in'effizienta elavuraziun dil marcau sco era la promozion cun in bien effect da reclama elllas occurrentzas da sport e cultura.

### Art. 3 Equalisaziun dallas schlattineas

Vegn ei fatg diever en questa lescha da gruppas da persunas sco: possessur, locatur, proprietari, alloschader ni semegliont, vala la denominaziun per omisduas schlattineas.

### Art. 4 Noziuns

En questa lescha vegnan las suandontas noziuns duvradas:

- a) hosp el senn da questa lescha ei mintga persuna naturala che stat sur notg sin territori dalla vischnaunca e ch'ei buca puttameissa leu primar all'obligaziun da pagar taglia;
- b) alloschader el senn da questa lescha ei tgi che metta a disposiziun ad in hosp localitads ni terren per star sur notg encunter indemnisiaziun, seigi quei agen schischom ni tal prius a tscheins a liunga vesta;
- c) menaschis da loschament cun obligaziun da pagar la taxa el senn da questa lescha ein habitadis sin territori da vischnaunca che vegnan duvrai da persunas ch'ein buca puttameissas primar all'obligaziun da pagar taglia en vischnaunca;
- d) sco habitaziuns da vacanzas el senn da questa lescha valan habitaziuns ni casas ch'ein u schadas vi periodicamein ad affittaders ch'ein buca domiciliai en vischnaunca (q.v.d. che han tenor CCS negin domicil en vischnaunca) ni ch'ein en proprietad d'ina persuna naturala resp. giuridica che ha en vischnaunca negin domicil ni negina sedia tenor dretg civil;
- e) habitaziuns da vacanzas schadas vi permanentamein ein habitaziuns che vegnan schadas vi a hosps per in temps fix ni buca determinau ni che vegnan surschadas autruisa a hosps per diever encunter indemnisiaziun; tractau tuttina vegnan plinavon habitaziuns surschadas senza indemnisiaziun per temps nunlimitau ni per temps limitau a confamiliars senza domicil en vischnaunca ni ad outras persunas senza domicil en vischnaunca.

## **II. Taxa da h osp s**

### **Art. 5 Subject da taglia, taxa da h osp s**

<sup>1</sup>Mintga hosp che stat sur notg en vischnaunca senza motivar leu in domicil da dretg fiscal e che ha la pusseivladad da duvrar la purschida turistica, ha da pagar ina taxa da h osp s.

<sup>2</sup>Proprietad da schischom en vischnaunca motivescha bein l'obligaziun da pagar taglia, deliberescha denton buca dall'obligaziun da pagar la taxa da h osp s.

### **Art. 6 Deliberaziun e reducziun**

Deliberai dalla taxa da h osp s ein:

- a) affons tochen il 12avel onn da naschientscha cumpleniu;
- b) persunas che loscheschan ella vischnaunca da Medel/Lucmagn per raschuns professiunalas;
- c) persunas che prendan dimora en vischnaunca en funcziun ufficiala, militara, dil schurmetg civil ni dalla polizia;
- d) persunas che secasan en vischnaunca per frequentar ina scola ni per emprender ina professiun;
- e) persunas che stattan sur notg senza indemnisiatiun el tenercasa da persunas ch'ein su ttamessas en vischnaunca al dretg fiscal e ch'ein buca obligadas da pagar la taxa da h osp s.

### **Art. 7 Excepziuns**

En cass specials e/ni sin incarica dall'organisaziun turistica ni dalla cumissiun turistica sa la suprastanza communalia dispensar persunas singulas ni gruppas cumpleinamein ni parzialmein dalla taxa da h osp s, aschilunsch che talas san buca far diever dils indrezs turistics e/ni sche motivs impurtonts (p.ex. basignusadad, occurrennzas specialas) giustificheschan ina deliberaziun cumpleina ni parziala.

### **Art. 8 Object dalla taxa da h osp s**

La taxa da h osp s vegn incassada per pernottaziun dil hosp ch'ein su ttamess all'obligaziun da pagar la taxa da h osp s tenor las disposiziuns da questa lescha.

### **Art. 9 Fixaziun dalla taxa da h osp s e pauschalas annualas obligatorias**

#### **a) Tenor pernottaziun**

<sup>1</sup>La taxa da h osp s munta per pernottaziun a frs. 2.50 tochen frs. 5.00.

<sup>2</sup>Als alloschaders vegn la suandonta taxa da h osp s sco pauschala annuala messa

a quen:

hotels, per combra	frs. 200.00	tochen	frs. 300.00
habitaziuns da vacanzas tochen 2 stanzas	frs. 90.00	tochen	frs. 140.00
habitaziuns da vacanzas sur 2 stanzas	frs. 120.00	tochen	frs. 180.00
tegias da mises, pauschal	frs. 90.00	tochen	frs. 140.00
loschaments da grappa, per plaz da durmir	frs. 20.00	tochen	frs. 30.00
plaz da campar, per di e persuna	frs. 2.50	tochen	frs. 5.00
bed and breakfast, per combra	frs. 50.00	tochen	frs. 75.00

### b) Pauschalas annualas obligatorias

<sup>1</sup>Proprietaris, gudiders ni affittaders permanents da habitaziuns da vacanzas han da pagar la taxa da hosp, independentamein dil cuoz e dallas frequenzas dalla dimora.

<sup>2</sup>Sco hosp che stat sur notg en ina habitaziun da vacanzas el senn da lit. 1, vala mintgin che lai buca vi ed ei proprietari giuridic ni economic, gudider ni affittaders stabels e sias visetas.

<sup>3</sup>La pauschala annuala obligatoria secumpona sco suonda:

- a) ina taxa fundamentala per habitaziun ed onn frs. 200.00 tochen frs. 300.00
- b) ina taxa fundamentala per mises ed onn frs. 90.00 tochen frs. 140.00

<sup>4</sup>Vegn ina tala habitaziun da vacanzas era schada vi commercialmein, ei la pauschala annuala tenor art 9 lit. a) lit. 2 buca debitada. Supplementar ei denton la taxa da turissem tenor art. 13 debitada.

---

## III. Taxa da turissem

---

### Art. 10 Subject della taxa da turissem

Da pagar ina taxa da turissem han:

- a) menaschis d'albiert sco hotels, hotels-garni, hotels d'appartaments, hotels da clubs, menaschis da cura, pensiuns, casas d'albiert, bed and breakfast, camonas alpinas (p.ex. camonas dil CAS), albierts da giuventetgna, loschaments da gruppas da tut gener, casas da convalescenza, clinicas e semegliont;
- b) locaturs da casas e habitaziuns da vacanzas, compras privatas sco era posts per rulottas, autos-rulotta, mobilhomes, tendas e semegliont; medemamein per tegias da mises;
- c) menaschis da producziun, commerci, mistregn, restauraziun e survetsch da tut gener;
- d) personas naturalas e giuridicas che han ella vischnaunca loghens da producziun, filialas ni posts da fatschenta cun sedia principala ordeifer la vischnaunca;
- e) menaschis purils e corporaziuns d'alp cun vendita directa.

## **Art. 11 Object dalla taxa da turissem**

<sup>1</sup>Suttamess alla taxa da turissem ei mintga activitat d'interprendider resp. mintga activitat en ina professiun libra en vischnaunca.

<sup>2</sup>La contribuziun per promover il turissem vegn incassada tenor art. 13. La contribuziun tenor art. 13 al 2 lit b) secumpona d'ina contribuziun da basa e d'ina contribuziun pil diember da persunas occupadas en media duront igl onn inclusiv proprietari da fatschenta e total commembers da famiglia.

La media annuala vegn calculada tenor la suandonta fuorma:

$$\frac{\text{persunas} \times \text{cuoz d'occupaziun meinsila}}{12}$$

## **Art. 12 Excepziuns dall'obligaziun alla taxa da turissem**

### **a) menaschis defini**

Ils suandonts menaschis ein deliberai dalla taxa da turissem:

- la vischnaunca cun excepziun da ses menaschis respectivamein da sias spartas (p.ex. resgia) cun caracter da gudogn;
- uniuns ni outras instituziuns, aschilunsch ch'ellas ein deliberadas dallas taglias communalas, cantunalas e federalas;
- uniuns localas, surtut talas cun intents culturals e sportivs, cun excepziun da secturs cun caracter da gudogn;
- museums, aschilunsch ch'els incasseschan negina entrada;
- scolas publicas e scolas privatas subvenziunadas dil maun public.

### **b) el cass singul**

<sup>1</sup>En cass specials sa la suprastonza communala disponer, en atgna cumpetenza ni sin damonda motivada, davart deliberar dall'obligaziun da pagar taxas, seigi quei cumpleinamein ni parzialmein.

<sup>2</sup>Decisiv per lubir excepziuns ei l'activitat resp. la dependenza dalla persuna ni dil menaschi corrispudent enviers il turissem.

## **Art. 13 Fixaziun dalla taxa da turissem**

<sup>1</sup>Tuts obligai pagan ina taxa fundamentala annuala da frs. 50.00 tochen frs. 75.00.

<sup>2</sup>La part variabla supplementara dalla taxa da turissem vegn quintada als obligai tenor las suandontas tariffas annualas e branscha/gruppa:

a) per alloschader tenor art. 10 lit. a) e b)

hotels e pensiuns cun ni senza restauraziun, per combra	frs. 30.00	tochen	frs. 45.00
habitaziuns, casas da vacanzas e compras privatas tochen 2 stanzas	frs. 50.00	tochen	frs. 75.00
habitaziuns, casas da vacanzas e compras privatas sur 2 stanzas	frs. 80.00	tochen	frs. 120.00
tegias da mises, per tegia	frs. 30.00	tochen	frs. 45.00
alloschaments da grappa, per plaz da durmir	frs. 15.00	tochen	frs. 25.00
bed and breakfast, per combra	frs. 30.00	tochen	frs. 45.00
camonas alpinas (CAS), per plaz	frs. 15.00	tochen	frs. 25.00
campadis, per plaz da durmir/plaz da campar	frs. 30.00	tochen	frs. 45.00

b) ulteriurs obligai tenor art. 10 han da pagar la taxa conform allas suandontas categorias e contribuziuns:

**Categoria 1**

Menaschis purils e corporaziuns d'alp cun vendita directa:

contribuziun tenor occupai:

- tochen 3 occupai (tenor forza da lavur reala) frs. 40.00 tochen frs. 60.00
- dapli che 3 occupai (tenor forza da lavur reala) frs. 140.00 tochen frs. 210.00

**Categoria 2**

Menaschis da producziun, commerci, mistregn, restauraziun e survetsch da tut gener:

contribuziun tenor occupai:

- tochen 300% plazzas da lavur frs. 50.00 tochen frs. 75.00
- sur 300% plazzas da lavur frs. 140.00 tochen frs. 210.00

<sup>3</sup>Per emprendists e praticants eis ei buca da pagar ina contribuziun per promover il turissem.

<sup>4</sup>La classificaziun vegn fatga dalla suprastonza communal. Medemamein vegnan menaschis buca menziunai classificai dalla suprastonza communal.

---

## IV. Contribuziuns dalla vischnaunca

### Art. 14 Contribuziuns dalla vischnaunca

<sup>1</sup>La vischnaunca paga per la promozion dil turissem annualmein ina pauschala minimala da frs. 15'000.—.

<sup>2</sup>Ord la taxa da diever per la Val Cristallina vegn pagau annualmein ina contribuziun da frs. 5'000.—.

## V. Determinaziuns communablas

### Art. 15 Obligaziun d'annunzia

Persunas obligadas da pagar la taxa da hosps tenor art. 5 sco era alloschaders e locaturs el senn dad art. 9 lit. a) e b) da questa lescha ston setener allas disposiziuns per ademplir l'obligaziun d'annunzia.

### Art. 16 Tariffas dalla taxa e communicaziun da talas

<sup>1</sup>A basa da questa lescha fixescha la suprastanza communalal regulativ l'altezia dalla taxa fundamentala, las taxas per cobra, per plaz da durmir e per plaz da campar.

<sup>2</sup>Las pauschalas annualas obligatorias per la taxa da hosps includan la perioda digl 1. da schaner tochen ils 31 da december digl onn corrispudent.

<sup>3</sup>Adattaziuns dallas tariffas ein da comunicar 6 meins ordavon egl organ da publicaziuns ufficial dalla vischnaunca e da metter en vigur sigl 1. da schaner.

### Art. 17 Principis per adattaziuns

In'adattaziun dallas tariffas dalla taxa da turissem duei succeder tenor ils suandonts principis:

- a) adattaziuns astgan buca serestrenscher a singulas gruppas ni branschas obligadas da pagar la taxa;
- b) adattaziuns duein vegnir fatgas aschi regular sco pusseivel;
- c) denter singulas adattaziuns duein scher periodas commensuradas da silmeins 12 meins.

### Art. 18 Controlla / obligaziun da sclariment

<sup>1</sup>La suprastanza communalal sco era tiaras persunas incaricadas cull'execuziun da questa lescha han il dretg d'exequir resp. d'ordinar e schar exequir controllas necessarias pigl incasso dalla taxa da hosps e dalla taxa da turissem.

<sup>2</sup>Enten exequir lur funcziun ston ils organs da controlla s'identificar cun ina legitimaziun. El medem mument san els pretender igl access allas localitads da habitat e da fatschenta.

<sup>3</sup>Cunzun per controllar la taxa da turissem definescha l'autoritat da taxaziun la moda e maniera dil sclariment ed ils documents ch'ein da presentar ad ella ni a tiaras persunas incaricadas. Persuenter conceda ella in termin commensurau.

## **Art. 19 Execuziun ed administraziun**

<sup>1</sup>La vischnaunca exequescha questa lescha ed il regulativ leutier, la taxaziun ed i gl incasso, l'administraziun ed il diever dalla taxa da hospes e dalla taxa da turissem conform alla lescha. Per la controlla sa l'autoritat da taxaziun engaschar tiarzas persunas externas.

<sup>2</sup>La suprastanza communal sa delegar ad ina cumissiun turistica la cumpetenza da decider conform alla lescha davart las entradas ord las taxas da hospes e las taxas da turissem sco era dallas contribuziuns dalla vischnaunca tenor art. 14 da questa lescha.

- a) La cumissiun turistica secumpona da 3-5 commembers cun dretg da votar, alla quala ina persuna dil gremi della suprastanza communal sto far part. Ulteriuras 1-2 persunas san esser commembras della cumissiun, sco possessurs da secundas habitaziun ni outras persunas, ils quals han negin domicil da dretg civil ella vischnaunca da Medel/Lucmagn.
- b) La suprastanza communal elegia ils commembers della cumissiun turistica.
- c) Sch'ei reussescha buca d'occupar la cumissiun turistica cul previu diember da commembers tenor art. 2a, crodan las cumpetenzas e pensums della cumissiun turistica anavos alla suprastanza communal.

<sup>3</sup>La suprastanza communal sa delegar l'execuziun cun ina cunvegnentscha a scret ad in'organisaziun turistica.

<sup>4</sup>Tuttas disposiziuns dall'autoritat da taxaziun valan sco tetel d'avvertura da dretg el senn dad art. 80 dalla lescha da scussiun e concuors LSC.

## **Art. 20 Taxaziun tenor beinappreziar**

<sup>1</sup>Sche la persuna obligada da pagar la taxa ademplescha buca sia obligaziun da procedura, malgrad admoniziun ed avis d'ina taxaziun tenor beinappreziar, veggan las taxas da hospes e las taxas da turissem taxadas tenor beinappreziar conform all'obligaziun.

<sup>2</sup>La taxaziun tenor beinappreziar sa vegin contestada sulettamein cun la renfatscha d'arbitriariadad.

## **Art. 21 Constataziun dall'obligaziun da taglia subjectiva**

Sche la persuna obligada snega l'obligaziun da pagar taglia subjectiva, san l'autoritat da taxaziun resp. las tiarzas persunas incarcidas d'exequir la lescha relaschar ina disposiziun davart l'esistenza d'ina obligaziun da pagar taglia subjectiva.

## **Art. 22 Cuntravenziuns**

### **a) Principi**

<sup>1</sup>Seresulta ei tras fatgs e mussaments ch'eran buca enconuschents il mument dalla taxaziun, ch'ina taxaziun ei buca succedida pervia d'in sbagl ni ch'ina taxaziun cun vigur legala ei buca completa, vegg la taxa da hospes ni la taxa da turissem, la quala era buca veginida incassada ni taxada memia bass, incassada sco taglia posteriura culs tscheins da retard.

<sup>2</sup>Tgi che cunterfa a moda intenziunada ni negligenta allas prescripziuns da questa lescha, allas prescripziuns da basa da quella ni ad ina disposiziun ella quala ei era vegniu avertiu da sancziuns penals, vegn punius dall'autoritat executiva cun in castitg d'entochen frs. 10'000.00.

<sup>3</sup>Tgi ch'effectuescha a moda intenziunada ni negligenta ch'ina taxaziun giustificada succeda buca ni ch'ella ei buca completa, vegn punius dall'autoritat executiva cun in castitg.

<sup>4</sup>Il castitg tenor lit. 3 munta per regla la summa sempla dalla taxa da hosphs ni dalla taxa da turissem defraudada. Tier falliments levs sa ella vegnir reducida tochen ad ina tiarza, tier falliments grevs alzada tochen al treidubel.

<sup>5</sup>Tier in'atgna denunzia vegn il castitg tenor lit. 3 strihaus.

### b) Tier persunas giuridicas e menaschis

<sup>1</sup>Vegn ei surpassau obligaziuns da procedura che han effect per persunas giuridicas, defraudau ni empruau da defraudar taxas da hosphs ni taxas da turissem, vegn la persuna giuridica punida.

<sup>2</sup>Vegnan acziuns da participaziun (instigaziun, cumplicitad, cooperaziun) commessas enteifer la sparta da gestiun d'ina persuna giuridica tier defraudaziuns da taglia per tiarzas persunas, sa per la persuna giuridica vegnir applicau art. 22.

<sup>3</sup>Ei resta resalvau da punir ils organs ni lur representants che han agiu tenor art. 22.

### Art. 23 Mieds legals

<sup>1</sup>Disposiziuns dalla vischnaunca sco era disposiziuns da tiarzas persunas incaricadas cun l'execuziun dalla lescha ston cuntener in'indicaziun dils mieds legals. Ellas san vegnir contestadas tier l'autoritat da taxaziun cun in recours a secret e motivau enteifer 30 dis dapi la communicaziun.

<sup>2</sup>Decisiuns da protesta san vegnir contestadas tenor dretg cantunal (LGA).

### Art. 24 Dretg subsidiar

Aschilunsch che questa lescha ni il regulativ leutier cuntegnan negina reglamentaziun finala, vala a moda subsidiara la lescha da taglia vertenta dil cantun Grischun.

### Art. 25 Reglamentaziuns da procedura e cuosts

#### a) Obligaziun da cuosts en general

<sup>1</sup>A tgi che caschuna ina disposiziun ni ina decisiun san ils cuosts, vul dir las taxas ed expensas, vegnir adossadas.

<sup>2</sup>Ageschan pliras persunas communablamein, stattan ellas bunas pils cuosts a moda solidaria.

<sup>3</sup>La regulaziun dils cuosts vegn decidida dall'instanza ch'ei responsabla ella caussa principala.

### b) Proceduras dispiteitvlas, secuntener illoial

<sup>1</sup>Tier proceduras dispiteitvlas, nua che la pretensiun d'in participont ei veginida refusada parzialmein ni cumpleinamein, sto mintgin purtar ils cuosts (taxas ed expensas) proporzialmein. Pliras partidas portan ils cuosts en medemas parts, excepiu che l'instanza responsabla disponi auter.

<sup>2</sup>Expensas ch'in participont caschuna tras secuntener illoial ni cun violar impurtontas prescripziuns da procedura veginan adossadas ad el.

### c) Pagaments anticipai dils cuosts

<sup>1</sup>L'autoritat sa pretender in pagament anticipau dalla partida petenta, dalla partida recurrenta ni dalla partida che porta plogn.

<sup>2</sup>Pil pagament anticipau dils cuosts sto veginir dau alla partida in termin commensurau.

<sup>3</sup>Presta la partida buca il pagament anticipau enteifer il termin fixau, malgrad la smanatscha dallas consequenzas, eis ei buca d'entrar en sia pretensiun.

### d) Fixaziun dils cuosts

<sup>1</sup>Las taxas ufficialas che cumpeglian tut ils cuosts dalla vischnaunca, excepiu las expensas, muntan denter frs. 100.— e frs. 10'000.—.

<sup>2</sup>Existan per las taxas ufficialas ina tariffa minimala ed ina maximala, ein quellas da fixar enteifer quella norma tenor la valur e l'impurtonza dalla funcziun ufficiala, tenor la lavur ed il temps impundiu sco era tenor las enconuschientschas necessarias dalla caussa.

### e) Ulteriuras disposiziuns

<sup>1</sup>Ils cuosts ein da pagar cul decret dalla disposiziun ni dalla decisiun. Suenter ch'il termin da pagament ei scadius, retscheiva la persuna ch'ei obligada da pagar in'emprema admoniziun.

<sup>2</sup>Per pagaments che succedan pli tard che 60 dis suenter il termin da pagament vegin quintau tscheins da retard. La quota dil tscheins sedrezza tenor il tscheins da retard dall'administraziun cantunala, valeivels pigl onn calendari corrispudent.

## Art. 26 Disposiziuns executivas

La suprastonza communalia relai in regulativ tier questa lescha.

## VI. Disposiziuns finalas e transitorias

## Art. 27 Abrogaziun

Questa lescha remplazza la Lescha davart taxas da cura per la vischnaunca da Medel/Lucmagn dils 27 da schaner 2005.

## **Art. 28 Approbaziun e vigur**

Questa lescha ei veginida approbada dalla radunanza communal digl 1. da settember 2016 ed entra en vigur cugl 1. da schaner 2017.

La revisiun parziala dalla lescha presenta (art 7 ed art. 19) ei veginida approbada dalla radunanza da vischnaunca dils 8 da zercladur 2021. La revisiun parziala dalla lescha entra en vigur culs 1 da schaner 2022.

Il president communal:

Claudio Simonet

Il canzlist communal:

Valentin Pally

Approbau dalla Regenza dil cantun Grischun tenor decisiun nr.

Cuera, ils

Il president della regenza:

Dr. Mario Cavigelli

Il cancelier:

Daniel Spadin